



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-3-40-193-5/23**

Datum: **15.06.2023. godine**

„Agencija za vodno područje rijeke Save“ Sarajevo rješavajući po zahtjevu Investitora „C.I.B.O.S.“ d.o.o Sarajevo, poslovna jedinica u Novom Travniku za donošenje rješenja o vodnoj dozvoli za aktivnosti koje mogu imati specifične uticaje na vode prilikom izvođenja aktivnosti na lokaciji koja se koristi za skupljanje sekundarnih sirovina od metala, na lokalitetu u ul. Mehmeda Spahe 1, općina Novi Travnik na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. Zakona o upravnome postupku („Službene novine Federacije BiH“, broj 2/98, 48/99 i 61/22), donosi:

### **RJEŠENJE o vodnoj dozvoli**

1. Daje se vodna dozvola pravnom licu „C.I.B.O.S.“ d.o.o Sarajevo, poslovna jedinica u Novom Travniku za aktivnosti koje mogu imati specifične uticaje na vode prilikom izvođenja aktivnosti na skupljanje i skladištenje sekundarnih sirovina od metala, na lokalitetu u ul. Mehmeda Spahe 1, općina Novi Travnik, na k.č. 1853/41, P.L. br.1894, K.O. Novi Travnik, općina Novi Travnik.
2. Ova vodna dozvola se odnosi isključivo za aktivnosti koje mogu imati specifične uticaje na vode sa lokacije definirane tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH“ broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i pod slijedećim uvjetima:
  - 3.1 Da korisnik izgrađenih objekata i instalirane opreme koji se koriste za skupljanje, skladištenje i obradu sekundarnih sirovina od metala, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
  - 3.2 Da korisnik navedenih objekata za vrijeme trajanja ove dozvole, osigura da prečišćene, otpadne vode sa lokaliteta koji se koristi za skupljanje sekundarnih sirovina od metala nesmetano sakupljaju i odvođe do gradske kanalizacije kojom upravlja JKP „VILENICA“ d.o.o. Travnik.

Prečišćene oborinske/otpadne vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
  - 3.3 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
  - 3.4 Skupljanje i skladištenje metalnih, sekundarnih sirovina vršiti isključivo na betonskoj podlozi s izvedenim sustavom odvodnje prema taložnicima i sustavom izbistravanja, preko kontrolnog šahta iste upuštati u javnu kanalizaciju.
  - 3.5 Da se sa opasnim i štetnim materijama (autoakumulatori i ostali otpad koji sadrži štetne materije ili tečnosti) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed izlivanja kiselina, akumulatore isključivo skladištiti u vodonepropusne kontejnere u natkrivenom prostoru.



- 3.6 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata kao i ostalih štetnih/opasnih tečnosti i materijala na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.7 Skladištenje bilo kakvog materijala se ne smije ni privremeno odlagati na česticu „vodno dobro“, odnosno u vodotoke i na njegove obale kao ni zelene površine.
- 3.8 U cjelokupnom kompleksu „C.I.B.O.S.“ d.o.o Sarajevo, poslovna jedinica u Novom Travniku zabranjuje se pretakanje nafte i naftnih derivata u bilo kom obliku i namjeni kao i njihovo skladištenje.
- 3.9 Za vrijeme trajanja ovog rješenja ishoditi okolinsku dozvolu od nadležne institucije za cijeli kompleks „C.I.B.O.S.“ d.o.o Sarajevo, poslovna jedinica u Novom Travniku.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, „C.I.B.O.S.“ d.o.o Sarajevo, poslovna jedinica u Novom Travniku je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav 1 Zakona o vodama („Službene novine Federacije BiH“ broj 70/06) se daje sa rokom važenja od pet (5) godine od dana izdavanja rješenja.
10. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

### **O b r a z l o ž e n j e**

Investitor, „C.I.B.O.S.“ d.o.o Sarajevo, poslovna jedinica u Novom Travniku obratio se ovoj Agenciji sa zahtjevom za izdavanje vodne dozvole za aktivnosti koje mogu imati specifične uticaje na vode a odnose se na skupljanje sekundarnih sirovina od metala na lokalitetu industrijske zone u ul. Mehmeda Spahe 1., općina Novi Travnik, izrađenog na k.č. 1853/41, P.L. br.1894, K.O. Novi Travnik, općina Novi Travnik.

Uz zahtjev je dostavljena slijedeća dokumentacija:

- Rješenje o registraciji br. 065-0-RegZ-23-003000 od 24.03.2023. godine izdato od strane Općinskog suda u Sarajevu;
- Uvjerjenje o poreznoj registraciji od 20.07.2007. godine izdato od strane Porezne uprave Sarajevskog Kantona;



- Rješenje o ispunjavanju uvjeta tehničke opremljenosti za obavljanje djelatnosti prikupljanja i skladištenja otpadnih materija i sekundarnih sirovina, br.03-21-322/13-3 od 18.04.2013.god, izdano od Ministarstva privrede SBK;
- Projekt izvedenog stanja hidroinstalacija izrađen od TQM d.o.o. Lukavac oznake 10-58/18, br.protokola 2272/18., iz 7/2018.;
- Izvještaj o ispitivanju kvaliteta tehnoloških otpadnih voda izrađen od TQM d.o.o. Lukavac , br.1/1 iz 9/2022.god..
- Okolišna dozvola br. 06-123-31/18 od 05.11.2018., izdana od Ministarstva prostornog uređenja, građenja, zaštite okoliša, povratka i stambenih poslova, kantona Središnja Bosna.
- Potvrda da je poduzeće „C.I.B.O.S.“ d.o.o Sarajevo, poslovna jedinica u Novom Travniku spojeno na gradsku kanalizaciju kojom gospodari JKP „VILENICA“ d.o.o. Novi Travnik;
- Ugovor o zakupu zemljišnog prostora između poduzeća BRATSTVO HOLDING d.d. Novi Travnik i poduzeća „C.I.B.O.S.“ d.o.o Sarajevo od 3.1.2018.god.;
- Uplatnice administrativne takse i
- Uplatnica po zaključku o posebnim troškovima.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-193-4/23 od 13.06.2023. na kome je konstatirano sljedeće:

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

Postrojenje za skupljanje sekundarnih sirovina od metala nalazi se u poslovnoj zoni koja je u vlasništvu BRATSTVO HOLDING d.d. Novi Travnik, na k.č. 1853/41, P.L. br.1894, K.O. Novi Travnik, općina Novi Travnik koja je dana pod zakup poduzeću „C.I.B.O.S.“ d.o.o Sarajevo.

Sastavne komponente su; asfaltirani plato koji služi za skupljanje sekundarnih sirovina od metala, natkrivenog dijela u kome se nalazi kolska vaga i kontejneri za skupljanje autoakumulatora i upravna zgrada.

Poduzeće „C.I.B.O.S.“ d.o.o Sarajevo, poslovna jedinica u Novom Travniku isključivo vrši skupljanje sekundarnih sirovina od metala i akumulatora bez ikakve prerade i obrade jer se obrada i prerada vrši u poslovnoj jedinici u Zenici.

Plato za skupljanje sekundarnih sirovina od metala je postavljeno na vodonepropusnoj, asfaltnoj podlozi s ugrađenim sustavom za prikupljanje voda koji onečišćene vode odvodi do kanalizacijski sustava kojim upravlja JKP „VILENICA“ d.o.o. Novi Travnik koja posjeduje vodnu dozvolu za ispuštanje otpadnih voda u rijeku Jaglenica, izdanu od AVP Sava.

Vodoopskrba se vrši iz gradskog vodovoda kojim gospodari JKP „VILENICA“ d.o.o. Novi Travnik.

Na lokalitetu gdje je se vrši aktivnost skupljanje sekundarnih sirovina od metala ne vrši se pretakanje goriva niti se isto skladišti ili prikuplja u bilo kojem obliku.

Sanitarno fekalne vode, preko interne kanalizacijske mreže, se upuštaju u kanalizacijski sustav kojim upravlja JKP „VILENICA“ d.o.o. Novi Travnik.

Izvještaj o ispitivanju kvaliteta tehnoloških otpadnih voda izrađen od TQM d.o.o. Lukavac , br.1/1 iz 9/2022.god.. ukazuju da svi parametri, ispuštene vode su u granicama dozvoljenih, propisanih važećom uredbom.

Investitor je pribavio Projekt izvedenog stanja hidroinstalacija izrađen od TQM d.o.o. Lukavac oznake 10-58/18, br.protokola 2272/18., iz 7/2018.

Za izgrađeni objekt izdana je upotrebna okolišna dozvola od nadležnih institucija.

Objekt se ne nalazi u vodnom dobru.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07,

46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva „C.I.B.O.S.“ d.o.o Sarajevo, poslovna jedinica u Novom Travniku, ispunio minimum uvjeta za izdavanje vodne dozvole za promet ispuštanjem oborinskih, onečišćenih voda u prirodni recipijent sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 , 8/00, 45/10 i 43/13).

### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Marko Barić, dipl.ing.grad.

Po ovlaštenju  
Rukovodilac sektora za izdavanje vodnih akata  
  
Haris Ališehović, dipl.ing.grad

Dostaviti:

- „C.I.B.O.S.“ d.o.o Sarajevo, Bosanski put 215, Sarajevo-Ilijaš.
- ☐ AVP Sava, ISV-vodna knjiga
- Sektor 50.
- Sektor 40, arhiva
- Oglasna ploča-AVP Sava